



Broj: 08-01-03/2-11-2-1073-9/22

Dana: 19.05.2022. godine

Na osnovu člana 70. stav (1), (3) i (6), u vezi sa članom 64. stav (1) tačka b), članom 25. Zakona o javnim nabavkama ("Službeni glasnik BiH", broj: 39/14) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-1073-8/22 od 16.05.2022. godine, u postupku javne nabavke "LOT 1: Nabavka računara i druge računarske opreme", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača "EMADO" d.o.o. Sarajevo, za "LOT 1: Nabavka računara i druge računarske opreme"

I

Prihvata se preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-01-03/2-11-2-1073-8/22 od 16.05.2022. godine i ugovor za "LOT 1: Nabavka računara i druge računarske opreme", dodjeljuje se ponuđaču "EMADO" d.o.o. Sarajevo, sa ponudom broj: 08-01-03/2-11-2-1073-5/22 od 05.05.2022. godine i ponuđenom cijenom u iznosu od 52.500,00 KM bez PDV-a.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 2 (dvije) obične kopije dostavljene dokumentacije iz stava II. Ukoliko ponuđač ne dostavi dvije obične kopije dokumentacije, njegova ponuda se neće označiti neprihvatljivom.

III

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-1073/22 od 05.04.2022. godine.

Javna nabavka provedena je putem otvorenog postupka javne nabavke.

Procijenjena vrijednost nabavke za LOT 1 iznosila je 50.833,34 KM bez PDV-a.

Obavještenje o nabavci broj: 488-1-1-17-3-38/22, poslano je na objavu dana 14.04.2022. godine u 9:35.

Sažetak obavještenja o nabavci broj: 488-1-1-17-3-38/22 objavljen je dana 22.04.2022. godine u "Službenom glasniku BiH", broj 25.

Komisija za javnu nabavku imenovana je Odlukom broj: 08-01-03/2-11-2-1073-1/22 od 14.04.2022. godine.

Komisija za javnu nabavku sačinila je Zapisnik o prijemu ponuda broj: 08-01-03/2-11-2-1073-7/22 od 05.05.2022. godine, Zapisnik sa otvaranja ponuda broj: 08-01-03/2-11-2-1073-7/22 od 05.05.2022. godine i Zapisnik o pregledu i ocjeni ponuda broj: 08-01-03/2-11-2-1073-8/22 od 16.05.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to ponuđači: "EMADO" d.o.o. Sarajevo i "INTER-COM" d.o.o. Zenica.

- da ponuđač "INTER-COM" d.o.o. Zenica nije kvalifikovan za LOT 1, iz razloga što ponuđena roba ne ispunjava zahtjeve u pogledu opisa predmeta nabavke i tehničkih specifikacija kako slijedi:

Prema obrascu za cijenu ponude-robe Aneks II, pod stavkom 2 "All-in-One računar" u pogledu procesora zahtijevano je "Minimalno Intel® Core™ i5-10. generacije", a iz ponude ovog ponuđača se vidi da je za ovu stavku ponudio uređaj označen kao "HP EliteOne 800 G4 23.8-inch Touch" koji prema tehničkim karakteristikama ima podršku za procesore i5-8. generacije, što znači da konkretni uređaj ne ispunjava traženi uslov iz tenderske dokumentacije da procesor treba biti 10. generacije. Prema podacima sa zvanične stranice proizvođača brenda HP postoji uređaj koji je označen kao "HP EliteOne 800 G6 All-in-One Touch PC" koji ispunjava traženi uslov. Nadalje, u dostavljenoj ponudi ovaj ponuđač nije upisao cijenu ponude u Obrascu za cijenu ponude-robe Aneks II na način predviđen tačkom 19. tenderske dokumentacije i prema sadržaju tog aneksa, odnosno ponuđač nije slovima upisao ukupnu cijenu u KM sa popustom bez PDV-a, PDV i ukupnu cijenu sa popustom i PDV-om, a što se nalazi na posljednjoj stranici tog aneksa.

- da ponuda ponuđača "EMADO" d.o.o. Sarajevo ispunjava sve zahtjeve ugovornog organa u formalno-pravnom, ekonomskom i tehničkom smislu, tj. da je ista za ugovorni organ prihvatljiva.

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a, sa popustom	Konačna cijena ponude bez PDV-a, sa popustom	Rang
EMADO DOO SARAJEVO	52.500,00 KM	Ne	52.500,00 KM	52.500,00 KM	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i predmetnom tenderskom dokumentacijom.

Slijedom navedenog, ponuđač "EMADO" d.o.o. Sarajevo odabran je na osnovu ponuđene cijene u iznosu od 52.500,00 KM bez PDV-a.

PРАВНА ПОУКА:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

